

## El Dì di Mort - Domilasedes

Eco : 'l 'riva ancamò 'l Dì di Mort  
Che a l'inverno el ghe derva i port.  
Piangen sui pràa i piant e i so foei  
Pioven su l'erba e van finì a moei.  
Te vegn adoss 'na gran malinconia  
Ma, pussé ammò, 'na vera nostalgia  
A ricordas di tanti (trop !) ch'in andà  
Spari' 'n del misteri del mond de là.  
Me scoren tucc in la memoria  
Parent e amis c'han fa la mia storia.  
A vun a vun voressi brasciai  
Che l'è imposibil desmentegai :  
Tanto l'è 'l ben che semm vorù  
Ch' el me string el goss de poden pu!  
Gh'è domà on moment che alfin me consola  
Quand che pensi al Signor e 'na roba sola :  
Che l'è mort in crus per dervim la porta  
De la vita vera : quela risorta  
E ch'el me 'speta tuti de là  
A fa 'na gran festa dent la sua Cà.

*Don Arnaldo*